



Mek Yun terima ijazah, pesan jangan belajar saat akhir

GADIS Cina yang sering mencuri perhatian ramai melalui video-videonya yang fasih berbahasa Melayu dalam dialek Kelantan merupakan antara 4,485 graduan Universiti Tun Hussein Onn Malaysia (UTHM) yang menggenggam skrol masing-masing kali ini.

Wee Yun Nee, 25, atau lebih dikenali sebagai Mek Yun merupakan graduan Ijazah Sarjana Muda Kejuruteraan Elektrik yang turut menerima Anugerah Naib Canselor dan Anugerah Projek Sarjana Muda Terbaik bagi Fakulti Kejuruteraan

Elektrik dan Elektroni.

Mek Yun yang kini bertugas sebagai Eksekutif Growth & Culture di syarikat penerbangan AirAsia mula dikenali ramai apabila video pendek menerusi laman TikToknya mendapat perhatian serta tontonan warga maya.

Mek Yun berkata, sepanjang bergelar pelajar di UTHM, dia perlu sentiasa bijak membahagi masa setiap hari agar tidak mengabaikan tugasnya sebagai pelajar.

"Saya tidak mahu abaikan tugas sebagai pelajar walaupun pada ketika itu saya mula aktif

sebagai pencipta kandungan digital.

"Rancang dahulu jadual harian supaya kita lebih bersedia dan jika tidak faham tentang sesuatu topik, teruslah bertanya kepada pensyarah dan rakan-rakan," katanya selepas Istiadat Konvokesyen UTHM ke-21 di Batu Pahat, Johor semalam.

■ MEK Yun ditemani keluarganya hadir ke Istiadat Konvokesyen ke-21 UTHM yang berlangsung di Parit Raja Batu Pahat, Johor, semalam.